

Q. D. R. V.

PATREM EX FACTO FILII OBLIGATVM

PRAESIDE

IO. GODOFREDO KRAVSIO

I. V. D.

DIGESTI INFORTIATI ET NOVI PROFESSORE PVBLICO
CVRIAE PROVINCIALIS, SCABINATVS ET FACVLTATIS
IVRIDICAE VITEBERGENSIS, IVDICII ITEM PRO-
VINCIALIS INFERIORIS LVSTATIAE
ASSESSORE

PRO CAPESSENDIS SVMMIS IN VTROQUE
IVRE HONORIBVS

AD DIEM XX. OCTOBR. 1793 CC XXXIII.

IN AVDITORIO MAIORI

HORIS ANTE ET POST MERIDIEM CONSVETIS

EXPONET

AVCTOR

GEORG. FRIDERICVS SCHROEERVS

IN CANC. EL. SAX. ADVOCATVS IMMATR.

VITEMBERGAE

LITERIS SCHEFFLERIANIS

RECVSA 1748.





Q. D. B. V.

I.



Obligacionis si fontes peruestigamus, quae ex facto filii in patrem redundat, omnem uidemus nexum ex CONSENSV Patris uel PRAESVMTO uel TACITO uel EXPRESSO dimanare. Nec mirum hoc uideri potest, cum neque iuri naturae conueniat, ut filius facto suo patri officiat, neque iuri positiuo, et imprimis ciuili Romano, ex quo filius in patris potestate, eiusque domestico imperio subiectus est. Quid quod ex illis etiam personis, quae sui iuris sunt, leges neminem facto alieno obligent, sed opus sit, ut, si alii per alium obligatio uel actiua uel passiuacquiri debet, istius factum, et consensus uel expressus uel tacitus uel etiam praesumptus concurrat, §. 4. et 18. *l. de inut. stip. l. 38. ff. de V.O.* Vere enim omnes obligationes mediatae aut ex facto nascuntur, aut ex culpa, aut ex delicto. TABOR *Vol. II. p. 3.* Id ipsum in causa est, cur obligationes actiuae non acquiruntur nobis, nisi uel ab eo, qui ex MANDATO nostram refert personam, uel qui UTILITER negotia pro nobis gerit, uel qui res nostras ADMINISTRAT, uel ab illis qui fictione iuris VNA NOBISCVM PERSONA esse putantur. Quoad reliquas personas fere omnis inutilis est stipulatio; ita, ut nec hodie tertius nostro nomine denationem

A

sine

fine mandato uel ratihabitione nostra ualide acceptare queat. CARPZ, P. II. c. 12. d. 20. STRYCK. in Caut. S. 3. c. 9. §. 2. nisi cum BRUNNEMANNO ad l. 25 ff. de Pactis statuere uelimus: EX PACTO ALTERIVS ALTERI QUIDEM NON QVAERIIVS AGENDI VEL EXCIPIENDI EX PACTO COMPETERE TAMEN EXCEPTIONEM DOLI, ET SIC VTILITER ALIVM ALII STIPVLARI, quam quidem sententiam uix assequor, propterea quod replica REI INTER TERTIOS GESTAE exceptionem doli facile elidere uidetur, ita, ut in hac materia sola limitatio locum inueniat: SI PACISCENTIS INTERSIT, cuius uim experimur in pactis SVCCESSORIIS, quae Germaniae consuetudine ex hac ratione sustentur, quia nostram refert, liberis et heredibus nostris prospici. Cum autem in obligatione actiua ita sancitum sit, ut ne alteri per alterum sine discrimine acquiratur, longe maior iuris est providentia in obligatione passiuā, ita, ut ne quidem ab actiua ad passiuā argumentari possimus, ne, quae in fauorem introducta sunt hominum, ad illorum damna detorqueamus. Huc itaque tanquam ad aliquam analogiam respicio, ubi de PATRE EX FILII FACTO OBLIGATO cogito, quod quidem uti ex ordine fiat, primum obligationem quae ex PRAESVMTO PATRIS CONSENSU uenit expendam, cum hac ratione PATRIS FILIIQUE PERSONAM, et SVBIECTVM DE QVO praedicamus, facilius definire queam.

II.

Notum est, obligando acquiri, et alienari. Res, quae certis limitibus est circumscripta. Patrem et filium quod attinet, scimus patrem habere filium in sua potestate, patri per filium acquiri, inter patrem et filium non consistere contractum nec obligationem. Fons huius rei quaerendum est in iuro Quiritum, ui cuius patria potestas in filios acerbior fere erat, quam heri dominium in seruos, teste DIONYSIO HALICARN. l. 2. adeo, ut non saltem ius uitae et necis pater in liberos haberet, id quod minorum et patrum commune, sed

ut filius uenditus a patre, et postea manumissus ab emtore, ne sic quidem sui iuris efficeretur, quod tamen seruis contingebat, nisi ter uenditus, ter etiam a domino manumissus esset, unde NOXAE DEDITIO ET VINDICATIO EX IVRE QVIRITVM Patribus dabatur *§. f. l. de nox. Act.* Quod quidem in liberos dominium Quirites potestati suae ita attribuerunt, ut filius, licet hoc ipso Quiritum iure quoad statum civitatis Romanae liber homo esset et ingenuus, nihilominus tamen apud ipsos IN DOMINIO PARENTVM DOMESTICO esse uideretur, quanquam non in bonis, uti SCHILTERVS *Exerc. III. §. 19. et Exerc. XVI. §. 15.* commonstrat. Quam autem hoc successu temporis sensim mutatum sit idem SCHILTERVS non solum *loc. cit. et Exerc. XXVII. §. 87. etc.* docet, sed etiam in ea re simul incunabula peculiorum ostendit. Quanquam etiam iure nouiori istud Patrum in liberos dominium, quod neuiquam EFFECTVM patriae potestatis, sed eius essentiale CONSTITVTIVVM fuisse puto, mansuetudine et amore Parentum ut et legum moderamine temperatum, atque Patria potestas in aliam quasi formam mutata sit, successit tamen istius dominii surrogatum quasi, uidelicet VNITAS PERSONALIS, quae inter Patrem et filium intercedit, et suas tot per secula vires ita seruauit, ut hodie etiam ipsius efficaciam plurimis in causis sentiamus, quicquid contrariam in partem, praeter Iureconsultos BELGICOS, inter Germanos etiam per multi, in iisque THOMASIVS in primis statuatur, qui in *Diff. de Patria potestate §. 49. sqq.* et alibi passim VNITATEM PERSONALEM tanquam inuentum IUSTINIANI *l. ult. C. de imp. et al. subst.* explodit, et quod iure Veteri ignorata fuerit, adeoque nec peculiare effectus habuerit, acerrime contendit. Si enim in aduersum niti pace horum uirorum fas est, non uidetur argumentum hoc procedere. Vti enim unitas illa personalis uel in ipso iure naturae fundamenta habet, si arduissimum, quod inter parentes liberosque intercedit, uinculum respicimus, ita etiam medio Iuris Romani aeui eandem unitatem personalem in effectibus deprehendimus, cui forte Iustinianus

nomen dedit. Erat enim medio iam aevo dominium illud Parentum in liberos sublatum, *l. 1. §. 2. ff. de R. V.* nihilominus tamen libri Patribus acquirebant, qui effectus teste **SEXTO EMPIRICO** *l. 3. c. 24.* iure Veteri Romanorum **DOMINII** Patris in liberos fuerat, atque unitas nisi personalis successisset, una cum causa sua expirare debuisset. Quid quod et illud iuris sit, quod Iustinianus sancivit, imo magis hodieque servetur, quam primi et medii aevi placita, sicuti usu fori hodierni quotidie doceamur.

III.

Potestatem itaque patriam duas habere partes existimo, **UNITATEM PERSONALEM, ET IMPERIVM IN LIBEROS DOMESTICVM**, a Veteri tamen Quiritum imperio longe diuersum, cuius uim atque naturam exponit **PETRVS AERODIVS**, *integro, quem de Iure Patrio, aduersus Iesuitas, filium seducetes, conscripsit, libello.* Differentiam Patriae potestatis specificam in **UNITATE PERSONALI** quaero, haud ignarus, et **EFFECTV** differre hanc ab omni alia potestate, sed magis tamen conuenire τῷ λόγῳ ratus, si differentiam in formali ostendo, ut ne ab identitate unius alteriusue effectus ad identitatem causae perperam argumenter. Secernitur itaque Patria potestas per unitatem personalem 1) **REVERENTIA ILLA, QVAE MATRIDEBETVR**, siquidem liberi legitimi non matrem sed patrem sequuntur. *l. 19. ff. de stat. hom. l. 3. ff. de his sui uel alieni iuris sunt.* Vbi non assequor, quomodo **CARPZOVIVS P. I. Const. 27. d. 96. ex lege unica C. de his qui ante apert. tab. asserere** queat, quod liberi Matris sint sui heredes, atque idcirco una persona cum Matre, cum tamen lex ista tantum de transmissione ad descendentes loquatur, haec autem non suis saltem heredibus, sed **EMANCIPATIS** etiam, competat, sui autem hereditatem paternam in **QVOSCUNQUE HEREDES** transmittant. *l. 8. C. de suis et legit. hered.* 2) a potestate **DOMINI IN SERVOS**, cum Dominus et Servus non sint una persona, et idcirco servus non in **POTESTATE DOMINI PROPRIE TALI**, sed saltem γυνικῶς accepta, et

et, proprie in dominio heri esse dicatur. *LAUTERB. ad ff. de stat. bom. §. 6.* Potestas enim proprie talis saltem in personas cadit, personae autem notio in sensu ciuili dignitatis et fauoris significationem habet. Qua de causa seruus non nisi sensu physico uocatur persona, id est, homo, non autem sensu iuris, et quatenus qualitatem cuius denotat, utpote quo respectu seruus ἀπρόσωπος est, ac pro nullo et mortuo, *HYBER. Prael. iur. L. I. Tit. 3. n. 1.* item pro re, quae in commercio et bonis domini est, habetur. *l. 2. §. 2. ff. ad L. Aquil.* 3) a POTESTATE MARITI IN VXOREM. Quamuis enim Vir et Vxor una caro de iure diuino uocantur, non tamen sensu iuris humani sunt una persona, sed DVAE PERSONAE INDIVIDVA VITAE CONSVETVDINE CONIUNCTAE. *§. 1. l. de Patr. Potest.* Vnde *STRVVIVS in Exerc. III. rh. 7.* statuens: VXOREM INTER PERSONAS ALIENI IVRIS REFERENDAM ESSE, ab aliis notatus est, uide quae de imperio Viri in uxorem πολιτικῶ ex sententia ARISTOTELIS commentatur *HYBERVS P. II. l. 6. p. 42.* 4) a POTESTATE TUTORIS. Definitur quidem tutela, quod sit VIS AC POTESTAS *§. 1. l. de Tutel.* sed illa potestas nequam posita est in unitate personali, uerum respicit tantum fauorem pupilli, qui liberum caput et homo sui iuris, suaeque potestatis, dicitur, *l. 6. ff. de tut. l. 14 ff. b. r.* unde nec tutor ex bonis et pecunia pupilli sibi, sed pupillo acquirit *l. 2. C. quando ex fact. tutor.* Mitto alia potestatum genera, quarum differentia a patria potestate per se patet, nec non illum ingenii foetum *GALVANI de Vsfufru. c. VIII.* qui duplex DOMINIVM fingit, aliud PROPRIETATIS, aliud FAMILIAE, atque hoc ex iure familiae competens dominium secundum ius antiquum commune esse putat omnibus in familia personis, qui, quamuis plures, tamen sensu iuris pro una haberentur persona, qua de re uideatur *SCHILT. Exerc. XLIV. §. 44.*

IV.

Quemadmodum autem Patrie potestatis praecipuam partem in VNITATE PERSONALI sitam esse asserui, ita

non abs re erit, eam ab altero Patriae potestatis continuuo
essentiali, quod in subiectione liberorum consistit, recte et cau-
te discernere, ut conceptus formalis eo accuratius efforma-
ri queat. Facillime hoc effici puto, si a) ea momenta, quae
non ex subiectione liberorum ueniunt et tamen in unitate
personarum innituntur, b) illa, quae fines et terminos unita-
tis personalis egrediuntur, et tamen sunt effectus patriae pote-
statis, ob oculos pono. Ad a) refero, quod filius patri sti-
pulari possit. Obstare uidentur LL. plurimae, imprimis § 4.
I. de inutil. stip. ubi illud ipsum patris in liberos imperio tribui
intelligimus, quod tamen unitate personarum adscripsi. Sed
salua res est. Recte stipulatur et filius et seruus illi, cuius iri
subiectus est uterque tamen diuersa ex causa. Seruus stipu-
latur DOMINO, quia ipsius stipulatio est quasi accessorium ser-
ui, seruus autem in dominio et bonis heri est. Filius etiam
de iure Veteri Quiritum stipulabatur Patri, quia ipsius in do-
minio erat, quod dominium in rem et personam filii sese ex-
tendebat, sed illo DOMINIO sublato, ostendit Iustinianus aliam
sub esse causam, quod scil. VOX FILII SIT VOX PATRIS,
h. e. FILIVS ET PATER SINT VNA PERSONA. Ad-
do alium eumque egregium unitatis personalis effectum, sci-
licet DOMINIUM LIBERORVM IN BENEFICII PAREN-
TVM VIVENTIVM, ui cuius liberi in potestate patris exi-
stentes SUI HEREDES et NECESSARII sunt, de qua re
BERGERVS in *Dissert. Iuris XXXV. §. 2.* et quos ibi excitauit,
Autores adeundi. Ad b) referro, quod unitas personalis ex-
cludatur in causis publicis, cum tamen filius maneat in pote-
state seu imperio patris, quae hoc sensu Synonyma *l. 9. ff. de his qui sui uel al. iur.* Ex quo efficitur, ut filius in causa Pa-
tris iudex ex arbitrio esse possit *l. 6. ff. de Recept. et qui arbit. recep. l. 12. ff. de iudicis*, et quanquam filius nec per munera,
nec per dignitates quaslibet publicas, emancipetur, in omnibus
tamen publicis causis pro patre familias habeatur. *Cap. fin. de Iud. in 6to l. 9. ff. de his qui sui uel alien. iur.* Ita etiam pater
quoad matrimonium filii non est una cum ipso persona, nihil-

omnium

omnibus tamen per solum matrimonium filius a patria potestate non emancipatur, uerum ipse cum nepotibus in ea manet. Ex quo facile intelligimus notionem Patriae potestatis uel late sumi uel stricte.

V.

Versatur ante VNITAS ILLA PERSONALIS tantum IN ACQVIRENDO, iisque finibus circumscribitur. Vestigia rei habemus in §. 4. de inutil. stip. uerbis:

EI VERO, QVI IVRIT VO SVBIECTVS EST, SI STIPVLATVSSIS, TIBI ACQVIRIS, QVIA VOXTVA TANQVAM FILII SICVT ET FILII VOXTANQVAM TVA INTELLIGITVR, IN IIS REBVS, QVAE TIBI ACQVIRI POSSVNT.

quare in rebus, quae patri acquiri non possunt, u. c. ubi factum filio stipulatur pater, ut filio ire, agere, liceat, inutilis est stipulatio l. 30. ff. de V. O. PASCHALIS de Viribus Patriae Potest. P. IV. c. 1. n. 4. Eadem ratio subest, quando ex uoto personali filium obligatum esse uolunt, ex reali uero non, ut ne scilicet per uotum reale filius de profectio uel aduentitio regulari aliquid alienet. Videatur ZIEGLERVS ad Lancellostum l. 1. tit. 30. §. 3. Sunt tamen et alii casus in quibus unitas personalis cessat. Scilicet quoties filius de RETINENDO IVRE IAMIAM QVAESITO laborat, utpote, quibus Pater in damnum filii renunciare non potest. Seruantur itaque a) iura NATIUITATE liberis quaesita, nec hi ius primogeniturae, uel dignitatem generis perdunt, licet Pater bannitus uel ciuitate ac libertate mulctatus sit. l. 2. ff. de num. et bon. VIGELIVS ad ff. L. XVI. p. 265. id quod usus hactenus accommodauit ad filios opificum, qui non amiserunt iura et priuilegia ex natiuitate ipsis competentia, (Handwercks Verrechte derer Meister's Söhne quamuis pater delicto ista amisset. b) nec CIVITATIS et LIBERTATIS iura filiis auferre potuit, pater, in primis mutata illa prisci Iuris Romani saeuiria. Pater itaque in seruitutem redactus, liberos seruos non facit, et ne primis quidem temporibus illis, liberos uendere potuit nisi sanguinolentos,

ob famem, qua in necessitate filere leges putatum est. uid. V I-
GELIVS *ad ff. l. XVI. p. 268. c)* HEREDITATIS quoque iu-
ra salua liberis relinquere patres oportet, unde in bonis Ma-
ternis praeiudicium afferre nequit Pater, ut late explicant *Dd.*
uid. Cz. P. II. C. 10. d. 5. &c. imo ne quidem nomine filii ad-
uersus matris testamentum quaerelam in officiosi instituere pot-
est, teste VLPIANO *l. ff. de inoffic. testam. add. BARBOSA in*
Voce Pater n. 10. et 20. neque quoties filius fratri succedit, una
cum patre quoad proprietatem persona est, sed hanc sibi solam
habet. *Nou. 118.* Par esto de illis iudicium, quae filius ab Auo
uel Proauo materno acquirit, uel ubi hereditatem a Patre re-
pudiatam filius inuito etiam Patre adit, et idcirco sibi soli occu-
pat. BRUNNEM. *ad l. fin. C. de Bonis quae lib.* Addamus d)
BONA quae uel aliorum beneficio ad filium ueniunt, ea lege,
ut ne Pater usumfructum habeat, uel quae filius proprio labo-
re in militia uel togata uel sagata acquirit, qui fons est diuer-
sorum peculiorum.

VI.

EXplanatis Patriae potestatis et unitatis personalis finibus,
quantum quidem praesentis instituti ratio poscere uide-
tur, et cognito, de quo praedicamus, subiecto, facilius pate-
bit uia ad causas obligationis passivae, quae ex filii facto in
patrem redundat. Primam itaque CAVSSAM in PRAE-
SUMPTO PATRIS CONSENSU pono, ut ne inuitus pater,
sed QVASI VOLENS, obligari existimentur. Praesumpto con-
sensu per factum filii obligatur Pater, uel DE PECVLIO, uel
DE IN REM VERSO. DE PECVLIO actionem quod at-
tinet, notum est, eam dari illis, qui cum filio familias contraxe-
runt, aduersus patrem, ad id, quod secundum contractus na-
turam debetur, praestandum, pro quantitate peculii *l. 3 §. 5.*
ff. de peculio §. 10. l. de Action. Origines Peculiorum rescescet
inter alios SCHILTERVS *Exerc. XXVII. §. 31.* ubi, docet, Qui
rites, ad exploranda liberorum seruorumque ingenia, indu-
striam atque fortunam, primum PECVDVLAS quasdam, mox
PECVNIOLAS, tandem INTEGROS etiam fundos a sua sub-
stantia

stantia et rationibus oeconomicis separasse, et liberis seruisque administrandas commississe, retento et dominio pleno in re et potestate in personam, facultate tamen utendi, consumendi quoque in liberos seruosque translata, ut eatenus speciem aliquam patrimonii proprii peculium acceperit. Orta sunt successu temporis peculia reliqua, castrense, quasi castrense, et adventitia tam regulare quam irregulare, et ad peculium profectitium non id tantum, quod Pater ab rationibus suis separauerat et liberis concesserat, uerum etiam quicquid intuitu Patris ad liberos peruenerat, relatum est. *BRUNNEM. ad l. 10. ff. de uulg. et pupill. subst.* Intuitu patris uero id ad liberos peruenisse existimatum, cuius, ut daretur, causa mouens principalis proxima Pater fuit, quae si non subsuisset, donatio u. c. facta non esset. Imo ea fuit legum erga liberos benignitas, ut donatio filio facta in dubio filii non patris contemplatione facta esse praesumeretur, licet Patris mentio adiecta *LAVTERB. ad ff. de peculio §. 31.* quod quidem ita intelligo, ac si pater demonstrationis causa adiectus esse putetur. Nec opus fuit, ut pater expresse semper peculium profectitium constitueret, sed praesumptus etiam et ex facto elicitus consensus suffecit, quia propter pater nomine filii mutuo dans, ei peculium concessisse uisus est *l. ult. ff. de peculio legat* et ex sola patientia patris peculium oriri uestigia habemus in *l. §. 1. et l. 7. l. 49. ff. de peculio*. Et si uero Pater hoc in peculio dominium pariter atque possessionem habeat, et filio saltem administrationem, eamque uel laxiorem, uel strictiorem concesserit, atque exinde peculium libere et reuocare et alienare queat, non tamen in fraudem creditorum illud alienare licet. *SCHNEIDEVVIN ad §. 10. l. de Actiō. n. 34.*

VII.

Factum obligatorium est ex parte Patris **CONCESSIO PECVLII**, qua filio de peculio contrahendi potestatem dedit. Consensus hactenus uidetur expressus esse, sed hic tantum est remota obligationis patriae causa, proxima est consensus praesumptus in factum filii speciale, u. c. mutuum commodatum,

locatum. Haec consensus praesumptio in causa est, cur actio inde ueniens ADIECTITIAE QUALITATIS esse dicatur, inuenta scilicet a Praetore eum in finem, ut actio principalis, quae ex natura contractus cum filio celebrati, u. c. mutuo, oritur et directo aduersus patrem non datur, cum filius patrem directo ciuilitur obligare nequeat; *l. 8. ff. de Rescind. Vend. §. ult. ff. de Acceptil.* per hanc apta reddatur, quo in patrem etiam dari queat. Vide quae de fontibus Adiectitiarum Qualitatum BERGERVS in *Dissert. Iur. XII.* uberius explicat. Filius itaque per contractum uel uerum, uel quasi talem obligat patrem *§. 10. l. de Action. l. 14. ff. de neg. gest. et Dd. passim ad ff. de Peculio*, licet uel inuito, uel prohibente etiam patre contraxerit *l. 29 §. 1. l. 47. pr. ff. de Pecul.* quia praesumptio iuris et de iure est, patrem obligari uoluisse, dum semel peculium concessit, quod, si omnino obligari noluisse, adimere debebat STRVV. *Decis. Sabbatb. c. 32. Decis. 3.* inde sola prohibitionem, ne cum filio contrahatur, ab institoria saltem, quae in solidum est, liberari uoluisse putatur.

VIII.

Dum autem ex quibus causis Actio de peculio detur, inuestigamus, obuiam fit quaestio a) VTRVM ETIAM PATER DE CONTRACITIBVS FILII TENEATUR QVI EXTRA CAUSSAM PECVLII CELEBRATI SVNT. Ratio dubitandi est α) in lege 3. *§. 5. et 6. et l. 8. ff. de pecul.* ubi expresse sancitum, quo dominus ex fideiussione serui, nisi in rem peculiarem facta sit, non obligetur. β) in natura consensus praesumpti, ui cuius Pater solum in id, quod et quantum ad se pertinet, ideoque tantum in contractus ex administratione peculii filio concessi peruenientes, consensisse uidetur, quia obligatio haec ex re nasci dicitur *l. 46. de P. O.* Verum enim uero α) Patrem ex fideiussione filii indistinctae teneri, docemur ex *§. 9. l. 3. ff. de pecul.* atque ex eo discimus β) patris praesumptum consensum non tantum pertinere ad contractus filii circa rem peculii, sed etiam ad alios, quos filius qui peculium habet, licet non semper QVATENVS habet, iniit. Rationem quaera-

mus

mus in aequitate, quae omnis praesumptionis iuris et de iure fons est, quia scil. Pater peculium filio concedens alios permouet homines, ut cum filio contractus ineat, tuto ignari, quidnam in peculio sit filii, uel utrum obiectum contractus sit res peculiaris, cum hoc saltem in hac materia spectetur, quod pater concedendo filio administrationem peculii et eam non adimendo occasionem aliis praebuerit, bona fide cum filio contrahendi *l. 3. §. 10. et 11. ff. de pecul.* Altera quaestio est, b) VTRVM PATER EX DELICTO FILII OBLIGETVR PECVLIO TENVS. Negat omnium SCHOEFFELVS *Decis. 192. p. 1087.* et patrem ex delictis filii neque de peculio neque de noxa teneri contendit *Decis. 200. p. 1108.* et LAVTERB. ad *ff. b. t. §. 37* innixi in *lege 58. ff. de R. I.* ubi scriptum est, EX POENALIBVS CAVSSIS NON SOLERE IN PATREM DE PECVLIO ACTIONEM DARI. Nec ullam hi, et plures alii Doctores, limitationem admittent, nisi IN QVANTVM EX DELICTO FILII PECVLIVM AVCTVM SIT. add BARBOSA in *uoce filius n. 15.* qui sibi tamen non constare uidetur, uid. in *uoce Pater n. 19.* Sed quanquam uerum sit, ex delicto regulariter contra Patrem agi non posse, cum pater filio non ad delinquendum, sed ad contrahendum peculium concesserit, ideoque praesumptus patris consensus ad non cogitata extendi non debeat, id quod supra citata *lege 58. ff. de R. I.* nec non *l. i. §. 7. de his qui deiecerint*, cautum est, praeter illam tamen limitationem, quod pater teneatur, a) si ex delicto filii PECVLIVM AVCTVM est *l. 3. §. 12. ff. de peculio l. 1. §. 20 ff. de ui et ui armata*, aliam addamus oportet, si scil. b) FILIVS IN MVNERE, ET AVTORITATE, ET VTILITATE, PVBLICO CONSTITVTVS QVASI DELICTVM COMMISERIT. u. c. si de curio factus tutores dedit, et pupillorum rem saluam fore, cauere non curauit. *l. 3. §. 13. ff. de pecul.* cuius ratio in eo sita est, QVOD REMPUBLICAM SALVAM FORE PATER OBSTRICTVS SIT, atque ita pater filio peculium concedens consensum suum in id etiam dedisse putetur, ut respublica, quae filium ad munus publicum uocando, eum sibi obligat,

uidemus praestetur, ad analogiam iustius praesumptionis, quam supra de contractibus extra rem peculii celebratis enucleavi. Quo loco meminisse debemus, quod, si filius munus ET AVTORITATE ET VTILITATE publicum gesserit, pater ignorans obligetur ut praesumpti consensus peculiotenus, sciens et tacens autem, cum ibi sola scientia pro consensu expresso reputetur in solidum, si autem filius munus AVCTORITATE quidem peculium, VTILITATE uero priuatum obierit, pater sciens et tacens tantum peculiotenus obligetur, atque sic tacitus consensus pro expresso non accipitur. BRUNNEM. *ad. l. 1. C. quod cum eo qui in alien.* Restat tertia limitatio. c) QVOD SCILICET EX VERO ETIAM FILII DELICTO PATER OBLIGETVR, non IMMEDIATE quidem ex facto et delicto filii, uti supra dictum est, sed MEDIANTE quodam CONTRACTV. SI SCILICET FILIVS IN IVDICIO CONDEMNATVS EST. Hanc itaque ad Actionem requiritur, ut ne a iudice INQUISITORIVS aduersus filium, sed ACCVSATORIVS PROCESSVS a patre laesa institutus, a filio lis rite contestata, per hanc IN IVDICIO CONTRACTVM et filius tandem condemnatus sit. Cum enim per litis contestationem contrahi in iure dicatur, HUBER. *Pract. P. II. L. V. tit. 1. §. 24. l. 3. §. 11. ff. de pecul.* BERGERVS in *Dissert. de Dominiolitis. §. 14.* fas esse Romani putarunt, ut ubi filius ex iudicato obligatur, haec actio etiam peculiotenus aduersus patrem detur, et pater ita teneatur, non tanquam ex delicto, sed ex quasi contracta. COCCIVS *Iur. Controv. L. XV. Tit. 2. qu. 17.* Vocatur ergo haec actio IUDICATI DE PECVLIO, atque uestitur noua quasi quadam qualitate, ut ad patrem penetret. NOMEN uidelicet ab effectu, RE IUDICATA, VIM neruumque a LITIS TESTATIONE habet. Obiectio aduersus haec a nobis disputata nasci uidetur ex eo, quod in publicis causis Patria potestas cesset. *l. 9. ff. de bis qui sui uel alien. iur.* adeoque filius in munere publico constitutus delinquendo patrem nec peculiotenus obligare queat, cum peculium hoc respectu non habeat, sed pro patre familias et sui iuris homine repute.

reputetur. Sed reminiscamur oportet, quae in fauorem rei publicae introducta sunt, in eius odium detorqueri non debere, et idcirco patrem ui iudicati omnino obligatum esse, cum non caussa litis, sed saltem iudicatum, spectetur, atque hoc modo actio, quae alias aduersus patrem non datur, per contractum litis contestationis eam qualitatem acquirit, ut etiam aduersus patrem valeat.

IX.

Post causas effectum actionis de peculio videamus oportet.

Non in solidum sed tantum peculiotenus dari *§. 36. l. de Ad. docemur*. Nec hoc tamen sine temperamento accipiendum est. Cum enim in SOLIDVM regulariter eam significationem habeat, ut OMNE QVOD DEBETVR COMPLECTATVR, in hac de peculio actione nonnunquam in solidum obligatus est pater, nonnunquam autem minus. Scilicet in praesenti materia per ultra vires peculii non tenetur, sed saltem in id, quod ex peculio facere potest. Ex quo consequitur, solidum acquirere creditorem, si tantum in peculio est, ultra peculii vires autem nihil. Filius vero semper in solidum tenetur, ita, ut, Patre excusso, ad id, quod restat, obligatus permaneat. STRYCK. *Vsu Modern. Tit. de Peculio §. 3. et tit. quod cum eo etc. §. 1.* Temperarunt hanc leges ex peculio executionem diuersa ratione. Nam quod 1) Patrem attinet a) spectatur quantitas peculii, non quae tempore sententiae dictae, sed quae rei iudicatae fuit. *l. 30. pr. ff. de pecul.* ideoque si post sententiam latam et antequam vires rei iudicatae acciperet, peculium uel auctum, uel minutum est, hoc creditoribus filii uel utilitati, uel damno cedit. b) Pater antequam ex peculio satisfacit filii creditoribus, detrahit id, quod sibi filius debet, tam ex contractu, quam ex delicto. BRAUNNEM. *ad l. 9. ff. de Pecul.* in eoque Pater iure Praelationis uidetur. Deducit autem Pater ex peculio non ipsam substantiam (das Capital) sed quod extra illam filio per modum contractus, u. c. mutui etc. dedit, et deinceps reliquum soluit creditoribus. *§. 4. l. quod cum eo etc.* Id enim peculium esse existimatur, quod superest, detracto,

quod patri ex causa contractus debetur, l. 9. §. 2. ff. de Pecul. l. 6. ff. de Tribut. Act. Qua ex iuris sanctione ducimus, patrem cum filio hoc^o in peculio contrahere absque uirio nullitatis, quod si intercederet, pater pecuniam a filio consumptam cum praelationis fauore in odium reliquorum creditorum non detrudere posset, sed istam perdidisse existimaretur. Sed illud tamen notandum est, quod Pater in Profectitio tantum ad effectum repetitionis contrahat, non uero ut ipse obligetur. 2) quoad filium, scimus eum quidem in solidum teneri, sed ita, ut beneficio competentiae se tueatur.

X.

Causa et effectus Actionis de peculio explicatis, restat, ut, quem in foro Germanico usum habeat, perspiciamus. Negant hunc praeter Batauos Iureconsultos Germanorum etiam permulti, iique Summi Viri, e quibus THOMASIVM in Dissertationibus, quas de effectu Iuris, quem Patria potestas in Germania habet, nec non ubi ad tit. l. de his qui sui uel alieni Iuris commentatur, conscripsit, et TITIVM in Iure Priuato nominasse sufficiat, quorum sententia his fere argumentis nititur quod a) patria potestas in patrio iure, Saxonico et Alemanico incognita fuerit, atque Germani solum naturae ductum secuti sint, b) in causis uero decidendis primum ad patria iura respiciendum sit c) quibus si Romanum ius aduerteretur, illud haud receptum esse putandum sit, d) liberi idcirco a parentibus aliquid accipientes tacite et particulariter emancipentur ideoque nec peculium profectitium derur. Alii ob infrequentiam actionem hanc a foro concessisse putant. Sed, quod pace horum dixerim, his argumentis eam uim inesse, quae patriam potestatem e Germania exterminari queat, uix putarem. Quamuis enim a) facile concedam, apud Germanos eum patriae potestatis non fuisse rigorem, qui apud Romanos, nihilominus tamen uestigia alicuius Patriae potestatis habemus in SPECVLO SAXONICO Art. 5. lib. 1. uerbis.

Nimt der Sohn ein Weib bey des Vaters Leben, die ihm ebenbürtig ist, und gewint Kinder mit ihr, und stirbet darnach

ebe

ehe sein Vater ihn abgescheilet von dem Erbe, seine hinterlassene Kinder uehmen Theil.

item L. b. 1. Art. 52.

One der Erben laube und Ungericht, mag kein Mann sein eigen noch seine Leute vergeben, doch wechßeln wohl die Herren ihre Dienstleute obn Gericht-Vergiebt ers wieder Recht obn der Erben Urlaub, die Erben unterwinden sich es mit rechten Urtheil, alsob er todt wäre, der es gab, oder alsob er es nicht geben bes gemocht. Alle fahrende Habegiebt der Mann ohne laub der Erben, in allen Städten und läßet und leihet Gut, allein daß er sich also vermüge, daß er begurt mit einem Schwerd und mit einem Schild auff ein Roß kommen mög, von einem Stein oder Stock einer Daum Ellen hoch, ohne Hülf &c. Add. Weichb. Art. 20.

Habes effectus domini liberorum in bona partis uiuentis, quod fuit ex patria potestate, neque expirabat, nisi per separationem, seu unicum fere emancipationis in Saxonia modum. uid. ZOBEL ad d. art. 52. l. 1. Speculi Sax. Addo. Art. 17. L. 2.

Der Vater mag wohl den Sohn einest vertreten und ausziehen, ob er um ungerecht beklaget wird, dieweil er von ihm nicht gefondert ist, also daß er schwere auff den Heiligen

Habes alium patriae potestatis effectum, qui post emancipationem cessat, ergo patriae potestati proprie conuenit. Et quamquam me non fugiat, SCHILTERVM praesidium sententiae meae, quod ex cap. XXV. Speculi Sueuici excire possem, ubi haec uerba:

Spricht ein Mann ein Kind an unter vierzeben Jahren, und ist es unschuldig, der Vater soll für es schweren, überzeugt man es der Gerads, und bat ihm der Vater Gut ausgehen, da soll man von püssen dem Kläger und dem Richter. Hat er ihm nicht Gut ausgegeben, der Vater soll von sein selbst Gut nicht püssen. Gewinnet der Sun darnach eigen Gut, er soll dem Kläger und dem Richter püssen.

ita extorquerere, ut pecuniam istam, ausgehan Gut, non profectum, sed aduentitium irregularis, uel etiam castrensis, aut quasi castrensis naturam habere contendat; Ex eo tamen, quod pecu-

si militaris et aduentitii mentionem facit, argumentor, fuisse aliquam patriam potestatem, hac enim deficiente, quid opus est, peculi mentionem facere? Et licet etiam concedam iatque fatear, patrem potuisse per donationem certam pecuniæ summam, uel de bonis suis mobilibus quidpiam eo effectu ad liberos impuberes transferre, ut hoc ipsorum quasi patriinonium euaderet, non tamen uideo, qua ratione ab hoc diuerso casu b) ad negationem iuris Romani quoad profectitium recepti argumentari quis possit. Esto, ignorarint Germani naturam peculii profectitii, num exinde sequitur, ergo nec recepto Romanorum iure Germania sicut alias, ita et maiorem patriæ potestatis rigorem, imprimis peculiorum differentiam atque inde uenientem de peculio actionem admisit? quid quod eo magis iuris Romani receptionem asserere queam, quia in iure Patrio de eo nihil sancitum est, atque sic Romanum ius subsidiarium esse possit. c) Pugnam itaque Romani cum Saxónico uel Alemannico iure hac in parte non ostendes, cum fatearis, filere de hac re leges Patrias. Quod si dixeris, contrarium etiam Patriis in legibus statui, cum d) liberi quicquid a parentibus accipiunt, id ipsis pleno iure acquiratur, primum negabo thesin, absque restrictione positam, et certis limitibus circumscribam, quia istud de rebus mobilibus tantum uerum est, in immobilibus uero secus existimare debet, utpote quorum donatio liberis a patre extrajudicialiter facta nunquam ualuit, *Weichbild: Art. 20.* deinceps autem urbeo, ex præmissis: Donatio inter patrem et filium apud Germanos ualet, non efficit consequentiam: Ergo præsumenda est donatio inter patrem et filium, quoties pater filio exercendi ingenii ergo aliquid a rationibus suis separatim concessit, atque administrandum tradidit. Differt itaque a bonis omnino separatis, quæ Germani *Ausgegeben Gurb* uocitarunt, istud de quo quaerimus, peculium profectitium, quia in illo pater proprietatem sibi non reseruauit, in hoc autem et proprietatem et possessionem retinet. Quid quod ipsæ donationes illæ, quas obseruantia Germanici fori sustinet, dum ad mobilia restringuntur,

ceu exceptio quaedam, regulam firman. Permotum hac re SCHILTERVM esse puto, ut, cum in *Exercit. XXVII. §. 85. 86. 87.* peculium profectitium Germanis incongitum, et quicquid Patres liberis a suis separatim rationibus concefferint, aduentitii generis fuiſſe, nec ex eo praefumptionem, quod peculiotenus obligari uoluerint, oriri potuiſſe contendiffet, tamen §. 89. fateatur.

OMNEM HANC DOCTRINAM TVNC DEMVM VERAM ESSE, SI PATER TANTVM LIBERIS A SVS RATIONIBVS SEPARARIT, QVANTVM AD IPSORVM SVSTENTATIONEM SVFFECERIT, QVOD SI SECVS, NON PRAESVMI PATREM LIBERIS MINORIBVS NECESSARIA ALIMENTA PRO FACVLTATIBVS DENEGASSE, AC PROPTEREA EOS EMANCIPASSE, SED POTIVS INDVSTRIAM EORVM EXERCERE VOLVISSE, SALVA ET PATRIA POTESTATE ET IVRE FILIORVM FAMILIAS.

Cui ſententiae eo lubentius accedo, quia certum eſt, apud Germanos ſolennes emancipationis modos in uſu non fuiſſe, ſed liberos eo ipſo e patris poteſtate exiſſe, ſi uel pater ipſos, dando de quo uiuere poſſent, a ſua oeconomia ſepararit, uel ipſi acquirentes de quo uiuerent, ab rationibus et familia patris ſe ſepararint. Notatu enim dignum eſt, patrem apud Saxones non potuiſſe pro lubito liberos emancipare, niſi dederit, quantum ad ſuſtentationem ſufficere poſſet, id quod patet ex SPECVLO SAX. L. 2. §. 19. uerbis:

der Vater mag den Sohn wohl von ihm ſondern, mit ichtwas ſeines Guts vor Gerichte, das der Sohn annehmen will, wie wenig es ſey
ubi haud inepte Gloſſa:

Darumb ſagt er biè, für Gerichte, und ſolches geſchiebet darumb alda, das es keiner dem andern bernach verueinen möge

et ad uerba ſequentia

Das der Sohn annehmen will &c. Bey dieſem kanſt du mercken, das dies alles denn erſt Statt habe, ob auch der Sohn ſelbſt wolte alſo abgeſondert ſeyn &c.

Tandem nec ab infrequentia casuum ad negationem iuris recepti argumentationem ualere puto. uid. COCCIVS in *Iur. Controu. tit. de his qui sui uel Aleni Iuris &c. qu. 20. p. 67. et tit. de pecul. qu. 15. p. 744.*

XI.

Quod si etiam de Usu reliqui fori Germanici res dubia uideri posset in Saxonia certe Electorali *Constitutio X. Part. II. et Decif. El. Nou. 23.* satis docet, iuris civilis de patria potestate dispositionem apud nos ualere, cuius effectus CARPZOVIVS *ad d. Const.* per omnia fere capita demonstrauit, et nos in foro quotidie experimur. Obiicitur passim, parentes in Saxonia, secus ac de iure Romano licuit, cum libris contractum emtionis uenditionis iniri posse, ita ut liberi eo ipso, quia pater aliquid eis uendit, tacite et particulariter emancipati esse putentur: sed respondeo, nec hanc sententiam a Lipsiensibus ICtis admitti, et a Summo Prouocationum Senatu tantum ferri, quia Pater uenditionem iudicialiter confirmari curans, expresse in emancipationem filii particularem consentire uidetur, cum nolit actum subsistere, nisi impedimenta remoueat, i. e. filium pro emancipato agnoscat. Persisto itaque in hac sententia, quod quoties hodie filius uel ex re patris uel intuitu patris aliquid accipit, toties praesumptio pro profectitia qualitate militet, et pater peculioreus, uti de iure Romano, teneatur, propterea quod nec donatio regulariter praesumitur, *l. 25. ff. de probat.*

XII.

Ad alterum, quod ex PRAESVMPTO PATRIS CONSENSU deuenit, obligationis genus accedo, cuius praesumptionis fons est aequitas, ne quis ex re aliena cum damno illius, cuius res fuit, locupletior fiat. ACTIONEM DE IN REM VERSO nominamus. Datur illi qui cum filio familias contraxit, aduersus Patrem, in cuius rem aliquid ex eiusmodi contractu uersum est, ad id, quod ex contractu debetur, in quantum uersum, praestandum. Negat BACHOVIVS de *Action. Disp. VII. ib. 7. in fin* et VINNIUS *ad f. 4. l. de Ad.* quod haec actio ex TACITO CONSEN-

SV oriator, id quod amplector, cum tacitus consensus de
 sciente et tacente praedicetur §. 1. *I. de Obl. quae quasi ex Contr.*
l. 2. ff. de neg. gest. PRAESUMTVS uero CONSENSVS de
 IGNORANTE etiam asseratur, ideoque haec actio ex eo
 detur, si quid SINE VOLVNTATE PATRIS IN EIVS
 REM VERSVM est. §. 4. *I. quod cum eo.* Et cum ex tacito
 consensu ueri contractus oriantur, *l. 4. ff. pro soc. l. 6. et 8. ff.*
de Mand. l. 13. ff. de locat. l. 3. ff. de rebus creditis, ex praesumpto
 consensu non nisi QVASI CONTRACTVS efficiantur.
 Ficta hanc et praesumpta conuentio in causa est, cur actio ista
 Adiectitiae qualitatis nominetur, quia scilicet uestimentum est
 actionis ex contractu cum filio inito deuenientis, cuius ope
 actio ista aduersus patrem ualet, qui alias exceptione deficien-
 tis obligationis se tueretur. Vnam ait IUSTINIANVS §. 4. *et*
§. 1. quod cum eo qui in al. pos. tam peculii quam in rem uersi
 actionem esse, uerum illam unitatem non in itenditate forma-
 lium pōnit. *l. 5. §. 2. ff. de in Rem Verso*, sed potius in compati-
 bilitate, cum utraque Actio in uno libello ita institui possit ut
 duae sequantur condemnationes, ceu duplex duarum effectus
 causarum, hoc quidem sine, si non tantum in rem uersum
 sit, quantum a filio mutuo acceptum est, reliquum ope actio-
 nis de peculio creditor consequatur. Multo magis de in rem
 Verso agere conuenit, ubi uel peculium bona fide a Patre
 ademptum, uel elapso annali spatio actio de peculio praescripta
 uel morte filii extincta est. *l. 1. ff. de in Rem V. uel quando ex*
peculio non solidum recuperari potest l. 1. ff. d. r. Alia, quae
 huic proxime accedit, actio est, NEGOTIORVM GESTO-
 RVM. Conuenit negotiorum gestio cum uniuersione in rem in
 eo, quod utraque praesumpto consensu nititur illius, cuius uti-
 litati cedit negotium uel res, sed differt utraque a) qua sub-
 iectum Actiuum & passiuum, quum uertat in rem, qui cum
 filio contrahit, negotium gerat, qui utilitatem alterius imm-
 diate quaerit; Actor in praesenti hac actione non semper in-
 tentionem habeat quaerendi utilitatem patris, cedat tamen
 in ipsius commodum, si filius, quod accepit, in rem patris
 uerte

uerterit, licet actor et creditor id neque uoluerit, neque scierit: In negotiorum gestione sciens gestor rem, quam curat, esse alienam, statim a principio contractus animum habeat, eum sibi ad indemnitate obligandi, cuius negotia gerit. Alia differentia est b) in effectu utriusque negotii, cum in negotiorum gestione Gestor ad rationes reddendas & damna data resarcienda directa actione obligatus sit §. 1. *I. de Obl. quae quasi ex contractu uen. l. 19. ff. de neg. gest.* praestet etiam culpam leuissimam, atque contraria demum actione indemnitate suam consequatur, in versione in rem autem nulla inter creditorem et patrem mutua obligatio intercedat, sed ista *μονέπλευρ* sit. c) Actionis utriusque finis diuersus haud est, cum per utramque solidum a reo exigatur, nisi in eo differentiam quaeras, quod Actio de in rem uerso non semper Actori ad omne quod creditur prodesse queat, sed tantum ad id, quod uere uersum est a filio; Per negotiorum gestorum actionem autem solidum simpliciter repetatur. STRYCK. in *Vsu Modern. §. 4. tit. de in R. V. et plures alii.* Quae tandem praetoria acquiras actionem de peculio VTILITATE ad alios personas, qui non cum filio, sed cum aliis, qui sunt E FAMILIA patris familias, extendit, et hanc etiam de in rem uerso actionem tam late patere uoluit, ut si quid ex hominis, qui sui iuris est, contractu, ad alium peruenit, ille de in rem uerso pariter teneatur. *l. 7. §. 1. C. quod cum eo &c.*

XIII.

VERSIO in rem probari debet hac in actione, id quod eius proprium quasi est, cum alias creditor versionem non prober, nisi quando cum Ecclesia, minore, ciuitate contraxit. VTILITAS itaque expendenda est, cuius naturam explicat. *VLPIANVS l. 3. ff. de in rem uerso:* IN REM VERSVM VIDEATUR, SIVE ID IPSVM, QVOD SERVVS ACCEPIT, IN REM DOMINI CONVERTIT, SIVE PECULIARITER MUTVATVS, IN REM DOMINI CONVERTIT, VEL QVOTIES ALIQVOD CONSVMSIT SERVVS, VT AVT MELIOREM REM DOMINVS HABERET

AVT NON DETERIOREM. Ex hoc intelligimus Vtilitatem non tantum a) in NECASSARIIS, sed etiam in iis ponit quibus b) MELIOR res redditur patris l. 3. §. 2. ff. b. r. uel c) CONSERVATVR, uti in verbis excitatis: NON DETERIOREM, expresse dicitur, et quod d) HONESTATIS DECORISQUE causa impediuntur, dummodo impensae consuetae sint l. 3. §. 3. l. 7. §. 3. ff. b. r. Quae patris consuetudo eam vim habet ut si solutus sit e) VOLVPTVARIAM etiam in rem fere sumus, filius, quod tali ratione in voluptatem patris impendit, eius in rem uertisse dicatur. Ad consuetudinem itaque patris hac in materia semper respiciendum est, quoties, utrum modum exerceat filius, recte arbitrari uolumus, in primis ubi de alimentis liberorum et familiae sermo est, cum ibi semper dignitas et consuetudo patris creditorem commonefaciant, ut ne quid ultra credat filio; neque si patris mores tales sunt, ut duriter ac parce uiuat, et se suosque alat, quicquid hunc patris modum excedit, id in eius rem uerti posse patet, per l. 3. §. 3. ff. de in R. V. ibique uerba: VSQVE AD EVM MODVM, QVEM DOMINVS EI PRAESTARE CONSVENERAT. Inter ipsam etiam VTILITATEM ac NECESSITATEM hoc discrimen intercedit, quod si res Patri necessaria fuerit comparata, totum conuenum pretium, si uero non necessaria, sed utilis tantum sit emata, uerum tantummodo pretium in rem uersum esse dicatur. l. 5. pr. ff. de in rem uerso, si conuentum pretium sit minus uero pretio indistinctae conuentum pretium spectetur. BRVNEM. ad l. 5. ff. d. r. add. l. 12. ff. d. r.

XIV.

Vtilitate, in quo consistat, explanata, restat ut naturam uersionis consideremus, ubi notamus a) Versionem non fieri ab ipso creditore sed filio, in quo differentiam huius et negotiorum gestorum actionis supra commonitruui b) creditorem conuolunt esse debere, utrum filius recte impendat, quod si a filio secus factum ipsi aduersus patrem actio non datur, licet bona fide et ea intentione crediderit, ut in rem patris uertere;

teretur, et filius bene etiam alias uertere solitus sit. *l. 3. §. 6. et ff. b. 1. c.)* IMPENDI et VERTI DICITVR SI UTILITER A FILIO COEPTVM, CVM INITIVM NON EVENTVS SPECTETVR *l. 10. ff. de Negot. Gest. l. 2. §. 7. 8. 10. ff. de in R. V. nec Creditor Casum praestet l. 17. ff. b. 1. sed res pereat suo domino, dominus autem pro ea, quae mutui est natura, pater est, in cuius rem uersio facta. d) Durare tamen uersum debere in §. 6. l. 10. ff. de in R. V. statuitur, quae res mire torquet interpretes, alii enim uerba sequentia*

ET ITA DEMVM DE IN REM VERSO COMPETIT ACTIO, SI NON SIT A DOMINO SERVO SOLVTVM VEL FILIO,

pro explicatione antecedentium accipiunt, et durationem non externam, sed internam necessariam esse autumant, scil. ne facto Patris non durer, utpote si Pater reddiderit quantum uersum est, filius autem creditori non dederit, sed perdidit. uid. LAUTERB. *ad ff. de in rem uers. §. 3.* SCHILT. *Exerc. XXVIII. §. 93.* Alii posteriora uerba, tanquam inadaequata, repudiant, et legem ita interpretantur, ut VERSVM SVA NATVRA PERPETVVM ESSE DEBEAT, neue sumtus in rem suapte natura illico perituram impendantur, sed duratio casu saltem, qui euitari non potuit, interdicat. COCCFI. *in Iur. Controu. L. XV. Tit. 3. qu. 1.* Quam ultimam sententiam amplector, quia id, quod uertitur, non est obligatio ipsa, sed obligationis causa, (unde quamuis obligatio uno modo extingvi queat, si pater scilicet filio, quod uertit, reddit, hic modus tamen ne solitarius quidem est, sed dantur plures,) indicta autem lege de VERSI natura disquiritur, atque tunc Versum esse edicitur, cum duret, quam ob rem DVURATIONEM ad NATVRAM VERSI requiri uidemus. Rationem in eo quaero, quia inutilis est res quae durare nequit, ideoque dici non potest, in rem Patris quid uersum esse, cuius effectus ad patrem ueniri non POTEST. Alii quibus actio haec pereat, modi explicantur *in §. 9. 10. l. 10 ff. b. 1.* qui omnes fere ex facto filii ueniunt, quod creditorem sequi par est, quia filii fidem semel ele-

git. Addo tandem singulare illud, quod in *l. 18. ff. b. r. cau-*
tum est, eum scil. qui pro seruo FIDEIVSSERIT, ut credi-
tor rem uertendam daret, actione hac de in R. V. non expe-
riri. Rationem GODOFREDVS quaerit in eo, quod haec
actio tantum illi detur, qui principaliter contraxit; Verum
haec res non nihil difficultatibus habet cum fideiussori competat
actio MANDATI CONTRARIA, *l. 6. §. 2. ff. Mand. uel*
NEGOTIORVM GESTORVM contraria *l. 20. §. 1. ff. eod.*
l. 10. C. Mand. in omnibus autem causis, ubi istae actiones
dantur, etiam haec de in R. V. locum habeat, *l. 3. §. 3. de in*
rem Verso.

XV.

Vsus Actionis non est ut a nobis uindicetur, cum de eius
frequentia dubitari non possit. Sed tamen pretium face-
re puto, si illius REI memini, quae quotidie fere in foro uer-
satur. Alimenta liberorum nomino, ad quae pater maxime
obstrictus est. uid RICHTER in *Exposit. Authenticae, Habita.*
Cod. ne fil. pro Patr. ita ut inuitus cogi possit ad alendos libe-
ros *l. 5. §. 10. de lib. agnoscend.* et si non praestet alimenta, pro
homicidia reputatur *l. 4. ff. d. t. COLER. P. 2. Decis. 256. CARP.*
P. 2. Constit. N. def. 18. n. 1. &c. cum et naturalis ratio suadeat,
et ciuilis praecipiat, ut liberos tanquam portiones et partes
corporis sui, donec sibiipsis prospicere queant, alant. *Nou. 98.*
c. 2. l. 2. C. de inf. expos. addatur ex iure Canonico *Can. Si quis*
14. D. 30. ubi anathemate mactatur pater, filios non alens.
Hanc tamen patris obligationem leges temperant, si filius ipse
habet, unde uiuere possit *l. 8. C. de bonis quae lib.* Ceterum
inter alimenta pater uictum etc. etiam institutionem et sum-
tus ad studia referri, quoties de parenribus sermo est, dubita-
ri non potest, quia ubicunque ex lege debentur alimenta, ibi
non tantum rō necessarium, sed etiam rō honestum atque de-
corum complectuntur, idque iuxta dignitatem et consuetudi-
nem patris *l. 8. §. 14 ff. de transact. l. 23 §. 1. de Aur. §. argent.*
legat. COLER. P. 1. dec. 68 n. 31. TABER. P. 1. p. 930 STRVV.
Exerc. 30. tb. 77. Non uacat, plura asserre, quae huc quidem

spectare possent, illud tantum quaero, utrum ex alimentis praestitis tertio Actio de in rem uerso nascatur. Dubitare licet, quia alimenta non ui patriae potestatis, nec tantum in patriae potestate uiuentibus liberis, sed emancipatis etiam, imo & illis, qui nunquam in patria potestate fuerunt, quales sunt ILLEGITIMI l. 1. C. de nat. lib. *Ausb. ex complexu C. de incest. nupt. l. 5. §. 4. ff. de agn. lib.* INCESTVOSI, c. 5. X. de eo qui dux. in matr. debentur, atque ad ea non pater solum, sed et mater et auus paternus, alique ascendentes ac colaterales ex iure naturae obstricti sunt. Pro affirmatiua tamen facit §. 3. l. 3. ff. de in Rem Verso, ubi alimentorum expressa fit mentio, et, quicquid in ea impensum est, uere uersum esse dicitur. Quā de causa, pro diuersitate subiecti passui uel haec de in rem uerso directā, uel utilis, ut de illa de negotio gesto, locum habebit.

XVI.

A consensu Patris praesumpto transimus ad TACITVM. Nulla enim ratio subest, cur hanc obligandi modum a patris persona repudiemus, cum fortiozem nexum efficiat, quam quidem, de quo hactenus quaesitum est, consensus praesumptus, si quidem VERVM CONTRACTVM sitit, ubi ex altero tantum QVASICONTRACTVS oritur. Rei exemplum habemus, si pater ab initio scit, filium contrahere, et tacet, qui consensus tacitus excludit uim SCti Macedoniani l. 2. 4. 5. C. de SCto Maced. l. 7. §. 11. et l. 12. ff. d. r. item si filius absens patri, se pecuniam mutuo accepisse, literis significat, simulque ut illam soluat, rogat pater autem non continuo contradicit. Rarum enim habuisse filii contractum Pater putatur, quia non continuatio testationem contrariae uoluntatis interposuit. l. 16. ff. de SCto Maced. Quam sententiam ita limitat Mavivs in Iure Lubec. P. III. T. 4. arr. 4. p. 607. ut neget consensum ex sola taciturnitate elici, ubi de scientis et tacentis magno praeiudicio agitur. Sed vix opus est hoc, uel etiam illo, quod BRUNNENANMVS ad d. l. 16. ff. d. r. urget, temperamento, cum dicta lex in filii familias persona subsistat et termine-

minetur, cuius cum habenas et moderamen gerat pater, in id tacite consensisse putatur, cui non expresse, sicuti debebat, contradixit. Nam consentire dicitur is, qui, quando prohibere potest, non prohibet *l. 2. & 4. ff. de Noxal. Act.* HARPRECHT *ad pr. l. de nupt.* SENECA in TROADE: *qui non uerat peccare, cum possit, iubet.* RANCHINI in voce Pater.

XVII.

EXPRESSO tandem ex consensu patrem obligari, uix est, qui ambigere queat. Nec in hoc obligationis genere proprium quoddam patriae potestatis quaeramus oportet, cum suo quilibet consensu obligetur. Sed cum Romani tamen creditorem filii, qui iussu patris contraxit, peculiari actione dotarint, necesse est, ut huius etiam terminos uideamus. Actio QVOD IVSSV datur illi, qui cum filio familias contraxit, iussu patris, ad id, quod ex contractu debetur, in solidum praestandum. §. 1. *l. quod cum eo.* Ad quasi contractus hunc IVSSVM accedere docet BERGERVS in *Dissert. Iur. XII. §. 5.* commotus uerbis Vlpiani, quod QVODAMMODO CVM EO CONTRAHATVR, QVI IVBET, quae ita interpretatur, ac si iussus in personam filii concipiatur. Sed uel in personam filii, uel in personam tertii contrahentis iussus ille concipiatur, consensus patris erit expressus; cum iussus in persona filii nihil aliud sit, quam mandatum, in persona extranei autem contractus pariter expressus, ut itaque non uideam, qua ratione iussus ille ad quasi contractus referri queat, cum PRAESUMI CONSENSVM VIX OPVS SIT ubi expressus adest. Nec obstat quod a) Actio haec ADIECTITIAE SIT QUALITATIS b) filius in persona propria principaliter obligetur, siquidem a) non omnis actio adiectitiae qualitatis ex praesumpto consensu uenit, uti exemplo INTERROGATORIAE ACTIONIS docemur *l. 11. §. 9. ff. quae si ex quasi contractu ueniret, necessum esset, ut omnem consensum ex post,*
D
uel

uel ratihabitionem, ad quali contractus reiiceremus. Qua de causa Adiectitia ista qualitas uim saltem in eo probat, quod cum pater in instrumento obligatorio plane non nominatus sit, atque se exceptione: **NON NOMINATVS SVM IN DOCUMENTO**, tueri possit et uelit, Actor **REPLICAM** libello inferere, et **IVSSV** patris actionem suam munire queat. Cessat tamen et ista adiectitia qualitas omnino, si iussus in personam extraneam confertur *l. 1. §. 1. ff. quod iussu*, si scilicet pater contestatus sit **QVOD VOLES CVM FILIO MEO NEGOTIVM GERERE PERICVLO** meo, ubi dubitandum non est, quin actio directa et principalis absque omni uestimento uel adiectitia qualitate aduersus partem detur, et tamen sit actio quod iussu proprie talis. Licet etiam b) filius principaliter obligetur, non tamen unius obligatio tollit alteram, imo facile concedo, id ipsum peculiare quidpiam et actionis quod iussu proprium esse, quod ui patriae potestatis filius iussu patris contrahens et se et patrem, utrumque etiam principaliter, obliget.

XVII.

Differt Actio **QVOD IVSSV a MANDATO** et quidem a) in subiectis cum pater solus iubeat, mandet quilibet extraneus, Filio iubeatur, quem dicto patris obedire oportet; Mandatarius liberam habet uoluntatem, uelit, nolit, mandatum subire b) in modo contractus, cum filius se suamque personam obliget in omni contractu, quem patris iussu celebrat, quia suo nomine, non patris, contrahit. *l. 3. §. 4. ff. de Minor.* Mandatarius neutiquam, utpote qui alieno nomine contrahit, et indemnitate etiam consequitur c) in effectu, cum aduersus filium ex iussu patris actio detur principalis, aduersus patrem etiam, et quidem aduersus utrumque in solidum, contra Mandatarium autem ille qui cum eo contraxit nullum habeat actionem, cum non hunc sibi, sed mandantem, obligare uolue-

uoluerit. Differentiam iussus 2) ab HORTATV exponis LAVTERE. *ad ff. b. r. §. 4.* ubi ostendit, hortatum fieri quidem cum obligatione sed addita protestatione: Se nolle teneri: v. c. *thue was du wilt etc. ich will dir nichts fürsreiben etc.* 3) a COMMENDATIONE habemus differentiam in eo, quod commendatio regulariter non obliget commendantem, nisi cum enixa persuasione coniuncta sit, ita ut intelligi possit, quod commendans ad se periculum rei pertinere uoluerit, uel si dolus intercedat, quem praestare necessum est BRUNNEM. *ad l. f. C. quod cum eo qui in al. pot. it. ad l. 17. ff. Mundari l. 7. §. ult. ff. de dol. mal. CARP. Dec. 126. n. 11.* In quo et commendatio a consilio maxime differt, cum consilium ille petere soleat, qui ipse negotium gerere uult, commendationem uero sponte det commendans illi, quem, aliquid ut agar, rogat. Qua de causa tantum abest ut ex consilio quis obligetur, nisi dolus probari possit, ut ne lata quidem culpa a Consiliario praestanda sit, quae tamen in cunilibus dolo aequiparatur. Ratio est, qui lata culpa saltem in materia contractus dolo aequiparatur, extra hanc uero minus. Consiliarius autem non contrahit, hinc etiam Curator Sexus, quanquam in contractum mulieris consentiat, non obligatur ex ulla culpa, nec mulieri aut tertio, cum quo mulier contraxit, tenetur BERG. *Oecon. Iur. L. 1. Tit. 4. §. 6. n. 7.* Limitationes huius assertionis, quod scilicet consilium sit obligatorium, si α) instruat in delictis β) cum enixa incitatione et persuasione coniunctum sit, γ) a perito artis fiat uide apud HOPPIVM *ad §. 6. l. de Contr. Consens.* Tandem etiam differt iussus 4) a MINISTERIO NVDO, si scilicet filius tantum causa ministerialis est, cuius nota Characteristica in eo ponitur, si filius non suo, sed patris nomine contrahit l. 5. *ff. quod iussu*, quia in actione quod iussu requiritur, ut filius contractus cum creditore celebrati sit causa principalis proxima, pater, ut causa causae, remota.

XVIII.

Disputatis his, facile opinor, patebit, quid si iussus, et hoc explanato termini constituentur habiles oportet, ut actio quod iussu locum habere queat. Scilicet non debet iussum Patris excessisse filius *l. 13. ff. quod iussu*, id quod huic cum Mandati actione commune est. Iussus Patris non expressus et antecedens semper requiritur, sed concomitans et subsequens etiam sufficit. *l. 1. §. 6. ff. b. t.* Siue uerbis, siue literis, siue per nuntium etiam declaratus *§. 1. l. 1. ff. d. t.* qui ex eo etiam satis intelligitur, si pater filii chirographo subscripsit *l. 1. §. 4. ff. b. l. 3. C. quod cum eo*. Ex sola uero scientia patris non descendit haec actio quod iussu, quia a mandato praesumpto ad Actionem quod iussu non ualeat consequentia, cum IVSSVS requirat CONSENSVM EXPRESSVM *LBVTERB. ad ff. tit. quod iussu §. 4.* nec fideiussio patris pro filio facta inuoluit iussum, quia fideiussor non principaliter contrahit, sed accessorie intercedit et obligatur. *l. 1. §. 5. ff. b. t.* Placuit tandem Iustiniano directam etiam ex iussu actionem dare contra Patrem, *§. fin. l. quod cum eo, qui in al. pot.* idque summa quidem aequitate, cum adiectitia ista qualitate opus omnino non sit, ubi ex proprio consensu et idcirco contractu uero quis obligatus est, uti in mandato generali uidemus, in quo Mandans etiam nescit, cum quibus Mandatarius ui liberae contracturus sit, et tamen directa, v. c. mutui actione a creditoribus conuenitur. Nominauere hanc directam quod iussu actionem Doctores passim Civilem, cum prior illa uetusque Praetoria audiat. Addamus VTILEM, quam Praetor ex contractu cum uxore, fratre, famulo, aliaue, quae sui iuris est, persona iussu Mariti, fratris, heri etc. initio aduersus iubentem concedit, de qua *BRYNNEMANVS ad l. 1. ff. b. t.* et alii commentantur.

XIX.

Finis Actionis quod iussu est **SOLIDVM**. In quo differt haec actio a praecedentibus de peculio et de in rem uerso, quatenus scilicet peculium non sufficit, aut non omne quod creditor dedit, in rem patris uersum est. Quo loco, quae supra monui, repeto, semper scilicet respiciendum esse, quid et quantum pater iusserit, ne patris iussus ad incogitata extendatur.

XX.

Mixti Generis est **TRIBVTORIA ACTIO**, cum partim ex *consensu* patris uel tacito, uel expresso, partim ex *dolo* detur. Ex consensu tacito, quia Pater sciuit, filium merce peculiari negotiari, et passus est nec contradixit, *l. 1. §. 2. et 3. ff. de trib. Act.* unde obligatus est ad satisfaciendum creditoribus, et merces peculiares aequaliter distribuendas. *l. 1. §. 1. ff. de trib. Act.* partim ex dolo, si quidem pater merces filii in aequaliter distribuit, quod uti in fraudem creditorum factum, ita hoc patri est obligatorium, ut in aequalem diuisionem corrigere et merces aequaliter diuidere cogatur. *l. 7. l. 12. ff. d. t.* Obiectum est merx peculiaris, cuius appellatio angustior est, quam peculii *§. 1. l. 1. ff. b. t.* cum merx sit, cuius negotiatio filio permessa est in peculio filius saltem administrationem habeat. *l. 1. §. 4. et 2. ff. d. t.* et cum in peculio pater iure prioritatis et praelationis utatur, in merce peculiaris hoc ipsi non competit, sed praefertuntur creditores filii hypothecarii *§. 1. l. 1. ff. b. t.* usum huius Actiones negant *L. A.*

derno b. t. infrequentem esse, facile concedo, sed ab infrequentia ad negationem nunquam argumentor.

XXI.

Mitto exercitoriam institoriamque actiones, quia patriae potestatis propriae non sunt, sed aliis etiam conueniunt, rerumque mearum fategisse puto, si ostenderim partem ex facto quidem filii, sed ita obligatum, ut eius consensus uel praesumptus, uel uerus, isque uel tacitus uel expressus in omni obligationis genere intercedat. Vsum partim vindicaui, partim nemine aduersante tenui, restat, ut quae exilius, quam rei dignitas postulare uidetur, disputata, quaeque omissa sunt, festinationi atque occupationibus aliis aequus lector beneuole tribuat.



ORDINIS ICTORVM
IN
ACADEMIA VITTEMBERGENSI
DECANVS
IOANNES
GODOFREDVS
KRAVSD.

DIGESTI INFORTIATI ET NOVI P. P. CVRIAE
PROVINC. SCABINATVS ET FACVLTAT. IVRID.
VITTEMBERGENSIS, IVDICII ITIDEM PRO-
VINCIALIS IN INFERIORI LVSATIA
ASSESSOR

LECTORI

S. P. D.



Personam parentum omnium populorum institutis liberis sanctam iudicatam, conservatamque fuisse, historicorum monumenta abunde testantur. Hinc monente PUFFENDORFFIO *de Iure Naturali et Gentium Lib. VI. Cap. 2. §. 10.* apud Chineses, si cui parentes moriebantur, statim quod in aula gerēbat munus ad militiam haud spectans per integrum triennium abdicare, domumque proficisci, ac per totum istud tempus parentes suos demortuos lugere iuebatur. Iudaeorum quoque superstitio, testante CONSTANTINO L' EMPEREUR in *Babackama Cap. VIII. §. 3.* in tantum se extendebat, ut metu inducti, ne filius sanguinem paternum effunderet, prohiberent filium patri uenam secare, spinam educere, aut ulcus aperire. Durissimam e contra liberorum conditionem ob potestatem, quam patri praeprimis uindicabant, fuisse, uel exinde constat, quod ipso Iure Romano, cuius tamen aequitas reliquorum Iuribus a plerisque praefertur, liberorum status si non durior, certe non multo tolerabilior.

trudere, flagris cadere uinctos ablegare ad operas rusticas, tandemque necare, erat haec patrum potestas perpetua, durabatque per omnem patris uitam, nec quisquam liberorum uiuo et inuito parente sui iuris fiebat, etiamsi tractaret rempublicam, magistratus geret, summamque studii erga patriam laudem esset demeritus neque mutata reipublicae forma rigor hic mutabatur, Decemuii enim introducto statu populari Tabulae quartae Legum XII. Tabularum teste IACOBO GOTHOFREDO sequentia inferebant: *Endo liberis iustis ius uitae, necis, uenundandique potestas ei esto,* imo durissimam liberorum conditionem quondam inter Germanos obtinuisse ex Cap. CVII. SPCVLII SVEVICI patet, ibi *wie ein Mann sein Kind verkaufft durch ebbafft Noth, das thut er wohl mit Recht, er soll es aber nicht verkauffen, daß man es thet in das Hur-Hauß, er mag es einem Herrn wohl zu eigen geben.* Regidi Huius iuris causas cum ARISTOLE in imperio quodam regio ex generatione ac iure familiae descendente ponunt, concedit enim STAGIRITES Patrifamilias imperium in uxorem πολιτικόν, in seruos δεσποτικόν et in liberos βασιλικόν, ita ut ui huius imperii libertas Et bonorum proprietatis dominanti sit obnoxia, addunt quoque, hanc potestatem nec iuri diuino repugnare, sed potius optime cum eo conuenire. Provocant hinc ad textum DEUT. XXI. v. 18. quo haec constituta leguntur: *si fuerit uiro filius declinans et rebellis, non obediens uoci patris sui et uoci matris suae, et corripuerint eum, et non audierit eos, apprehendent eum pater eius et mater eius, et educent eum ad seniores ciuitatis eius, et ad portam loci eius, et dicent ad seniores, filius noster declinans et rebellis, non obediens uoci nostrae, epulo et potator, et obruent eum omnes homines ciuitatis eius lapidibus et morietur.* Adducunt simul exemplum Abrahami, qui non solum filium suum Isaacum enecare intendit, sed et Ismaelem domo eiecit, allegant denique exemplum Iephthae, qui priuato suo imperio condemnauit filiam ad ultimum supplicium. At enim uero ex hiis rationibus duritiem patriae potestatis, sicuti olim obtinuit

tinuit, minime defendi posse, uel exinde patet, quod regium
 atque dominicum Imperium ita differant, ut quidem in herili
 tam libertas, quam bonorum proprietas, Dominanti sitobnoxia
 non aequae in Regio, quo utraque priuatis salua esse debent,
 id quod tamen a ueteribus romanis in tantum est neglectum
 ut ne rerum Dominium, nec libertas corporum liberis fuerit
 relicta, longe melior est CELSI Philosophia in *L. s. ff. ad Legem
 Pompei. de parricidiis*, qui optime monet, patriam potestatem
 in pietate i. e. moderatione, non in atrocitate consistere debe-
 re. Multo minus rigorem pristinae patriae potestatis defen-
 dere licet ex iure diuino reuelato, quod enim textum DEVR.
 XXI. attinet, tantum abest, ut exinde parentum ius uitae et ne-
 cis cum aliis perquam rigidis effectibus defendi possit, ut po-
 tius liberorum immorigerorum coercito sub poena capitali
 Magistratui, et locum eius tenentibus data ac permissa sit. Neque
 etiam exempla adducta hoc probant, quemadmodum enim
 non exemplis, sed legibus iudicandum est, ita quod Abrahami
 factum atinet, illud mandatum Dei, qui eius fiduciam in pro-
 missionem diuinam faciam probare tantummodo uoluit, pro
 se habebat, nec executioni demandatum est, leprosa autem
 factum nullibi in sacris literis approbatum legitur, potius diui-
 na prohibitio de non occidendo generalis est. Mirari hinc mi-
 nime debet, quod subsequenter temporibus haec rigida pa-
 trum potestas emandata ac restricta fuerit, id quod primum a
 diuo TRAIANO factum est, quippe qui filium, quem pater ma-
 le contra pietatem affecerat, emancipare iussit, nec eo defun-
 cto patri bonorum possessionem concessu *L. ult. ff. si a parente
 quis manum: sit.* Huius exemplum sequebatur ADRIANAS, qui eum, qui filium suum ob adulterii suspicionem occiderat,

et iudicis arbitrio ipsa rei decisio relicta est, quemadmodum hoc probat Constitutio VALENTINIANI in *L. unic. C. de emendat propinqu.* neque id quidem parentibus relictum est, ut filios immorigeros amplius abdicarent *L. 6. C. de patria potest.* Nihil itaque aliud hodie patri ui patriae potestatis remansit, quam ut ui dominii in liberos competentis, eos remediis et possessoriiis *L. 1. §. 1. ff. de Lib. exhibend.* et petitoriis *L. 14. §. 13. ff. de furt. §. 9. I. de obligat, quae ex delict.* persequi, eorumque actiones dirigere possit, hinc pater liberos delinquentes modice castigare *L. unic. C. de emendat. propinquorum* Tutorem iis dare *§. 3. I. de tutel.* et pupillariter ipsis substituere ipsis ualet *L. 2. ff. de uulg. et pup. subst.* denegatur etiam adhuc hodie liberis facultas testandi *L. 6. ff. qui testam. facere poss.* sine patris consensu nuptias ineundi *L. 12. C. de nupt. pr. Inst. eod.* itemque mutua pecuniam accipiendi *L. 1. ff. de SCto Macedon.* et cum denique patri per liberos iuxta distinctionem peculiorum adhuc acquiratur, hinc in casibus, quibus bona ad patrem spectant, pater et liberi habentur pro una persona *L. fin. C. de impub. et aliis subsistit. §. 4. Instit. de inutil. stipulat.* nulla inter illos obligatio contrahitur *d. §. 4.* nec lis est, *L. 4. et 11. ff. de iudic.* sine patris approbatione in iudicio stare nequeunt *L. 9. et 13. ff. de Oblig. et Act. L. 18. §. et L. 57. ff. de iudic.* patri demortuo sunt sui heredes *§. 2. I. de hered. qualis. et differt.* et qui sunt alii eius generis effectus.

Sed nolo de hoc argumento plura in medium proferre, occasionem enim ad id pertractandum dedit mihi uir nobilissimus ac consultissimus DN. GEORGIUS FRIDERICVS SCHROEERVS, Filius Theologi de Ecclesia ac Academia nostra optime meriti, qui Doctoris honores ab ordine nostro accepturus, de *Patre ex facto filii obligatio* disputare constituit, Vitae eius studiorumque rationes pluribus ut adducam eo minus necesse est, cum ipse fata sua breuiter ac eleganter descripserit, quam descriptionem, sicuti eam accepi, hic inferam:

Ego,

EGO, GEORGIUS FRIDERICUS SCHROEERVS, natus sum Vitembergae, Mense Martio, A. 1713 cc 1, Patre GEORGIO FRIDERICO SCHROEERO, tunc temporis in alma hac Logices et Metaphysices Professore, iam uero SS. Theologiae Doctore et Professore Publico, Matre RAHEL ELISABETHA, HIERONYMI GODOFREDI BEHRISCHII, Icti et Ciuitatis Dresdensis Syndici, filia, qua tamen matre, uix quatuordecim dierum infans, orbatus sum. Patris cura et ductu, a pueris, ad literas animum aduersti, atque Praeceptores ad eam rem habui priuatos, quorum operam grata mente persequor. Tandem ubi ad eam aetatem literarumque cognitionem perueni, quae ad altiores doctrinas aditum patefacit, Humanitatis Doctorem IO. GVIL. BERGERVM de fontibus eloquentiae differentem, nec non hui in dicendo pondus in historia fidem, ac in imprimendis personarum characteribus decus expendentem, sedulo frequentauit. In Logicis et Metaphysicis Patrem meum auctorem habui. Cognitione rei Poeticae a STRVNZIO, Matheos a WEIDLERO, Physices a LOESCHERO, Historiae a IANO, pariter atque Historiographo Regio IO. GVIL. BERGERO et SPENERO, Viris in omni doctrinarum genere summis, imbutus sum. In Theologia tam Thetica quam Polemica, cui per triennium operas nauaui, Parentis mei institutione usus sum. Animum postea ad Iurisprudentiam applicui, et quidem naturae et gentium principia ab HASSENIO, Iuris Civilis sancitata a LIB. BAR. DE WERNHER, BASTINELLERO, MENCKENIO KRAVSIO, et BRENDELIO, Iuris Canonici a LIB. BAR. DE WERNHER, Iuris

ne subii, ab eoque cum dignus iudicaret, cui res in foro perorandae committerentur, in Summa Cancellaria Electoroli A. c. 13 cc. xxvi. specimen edidi atque ad Praxin, uti mos fert loquendi, admissus sum. Cum autem religiose semper cogitarim, quanti res sit momenti, fortunae aliorum defensionem suscipere, et quam saepissime isti nutent, qui proprio Marte, quam sibi compararunt doctrinam, ad usum deducere conantur, nec his in castris sine duce militare volui, A. c. 13 cc. xxvi. Dresdam migraui, et ibi, quod publice deprædico, comitatem insignem Viri Iuris Consultissimi IOHANNIS GODOFREDI VOGELII, Causarum Patroni Inclutissimi, qui iam SERENISSIMO SAXONIAE ELECTORI a consiliis aulae et Iustitiae est, expertus, per aliquot annos in pulvere et acie forensi steti. Huius ductu causas quam plurimas tam inferioribus in Iudiciis, quam coram Summo Prouocationum Senatu defendi, usque dum certamina proprio ausu susceperem. Qua in opera qualem me, cum summis Viris, tum aequalibus probauerim, modeste illorum iudicio relinquo.

Haec illae, nihil itaque restat, quam ut illustrissimos ac perillustres comites, Barones, Patres Academiae, eiusdemque Fautores ac amicos amplissimos, cum reliquis ciuibz generosissimis, nobilissimis ac ornatissimis, ad solennem conflictum futuro die Martis habendum ea qua par est obseruantia ac cultu inuitem. sicuti uero non dubito, quin honorifica sua praesentia actum hunc disputatorium illustriorem sint reddituri, ita et me et totum nostrum ordinem, ad omnia officiorum genera promissimos poratissimosque spondeo. P. P. Vittemberga
Dominica XX. post Fest. Trinitat.
M DCCXXXIII.

VITTEMBERGAE
LITERIS SCHEFFLERIANIS.

A611471546